



古320 72
544.2
:24

古104
844
:36





亦政堂重修宣和博古圖錄卷第二



盦 鑊斗 執 嬰冰 鑑冰 斗 搃 說

盦 一器

周

交虬盦

鑊斗 二器

漢

熊足鑊斗

龍首鏃斗

斚
八器

周

方斜斚

魚斚

蟠虬斚一

蟠虬斚二

饗饗斚一

饗饗斚二

饗饗斚三

饗饗斚四

罍
一器

漢

湯罍

冰鑑
一器

唐

冰鑑

冰斗 一器

漢

冰斗

匜 匜盤洗盆銷杆搥說

匜一 九器

商 三器

啓匜 銘八字

鳳匜

三夔匜

周 六器

父癸匜 銘四字


司寇匜 銘二十字

文姬匜 銘二十一字

義母匜 銘一十七字

孟皇父匜 銘六字


螭首匱





盥鑊斗孰罌冰鑑冰斗揔說

器為天下之用而有合於禮者有適時而便
於事者合於禮則若尊壘醖罍豆簠簋之
屬是也其或燕私之所奉滋味之所養寒暑
之所宜則處尊履貴而肉食者固異乎藿食
卑賤之等倫又安得無供承之備以致其用
乎故有鑊斗焉以待斟酌有孰罌焉以具醢醢
難醬方其寒則資諸温而禦彼重陰凝沍之

氣方其暑則資諸朝覲所出之冰而祛其煩
燠之憚由是湯罌冰鑑冰斗各順時而出焉
雖然尊彝之器考諸漢唐曾無一二而鏤斗
冰鑑復不覩商周之制作者何也嘗試議之
夫無見於今者未必皆無也但禮隨世變所
用有異耳蓋自周而上以禮為實用故禮器
之末者或略焉而於本特致詳自周而下以
禮為虛文故禮器之大者或略焉而於末為
多寘有無之或異也




周交虬盃




博古圖錄
右高三寸深二寸九分口徑五寸六分腹徑
五寸五分容二升五合重一斤九兩無銘是
器純緣外著以交虬兩耳作連環所以便於
提攜以圈為足而器之中純素略無文彩大
槩與周伯彜盥相肖特闕其蓋耳



漢熊足鍤斗



右通蓋高四寸八分深三寸二分口徑二寸三分容一升四合有半重一斤十兩有流有柄三足無銘此器流蓋與柄多為物象而乏古意足飾以熊者秦漢以來奩具印鈕每作此狀蓋熊男子之祥取其有所堪能故也嘗攷三代之時九旗名物各有等差惟上得以兼下而下不得以兼上於是蛟龍之旂熊虎之旗鳥隼之旗龜蛇之旒漢之鑿斗有具四象有為熊足亦豈若九旗之有等差而第其數耶




漢龍首鑊斗




右高七寸八分深二寸三分口徑四寸三分
 容一升重三斤一兩有耳有流有柄無銘是
 器鏹斗也許慎以謂斗之可以溫物者耳趙
 襄子使廚人搽斗以食代王則古者行食以
 斗而此有柄有流知其盛羹滑之具詩云酌
 以大斗則斗亦可以為飲器也

周方斜甗




博古圖錄 卷三十一
右高八寸四分深七寸二分口徑六寸六分
腹徑九寸五分容一斗五升四合重八斤有
半無銘是器文飾極精妙肩作雷形近類古
文申字環腹之飾皆取象於雷肩脰之間文
鏤相錯如盤絲髮微起乳形而中作黃目狀
苟非成周文備之時疇能至此蓋前此未之
或見後此亦未知其能及也



周魚鬲




右高六寸六分深五寸四分口徑五寸六分
腹徑八寸七分容一斗重五斤十有二兩無
銘是器銅色制度不減方斜執肩腹之間飾
以魚形凡器以魚為飾者不一如魚洗魚符
之類是矣且詩所謂季冬薦魚春獻鮪則魚
者薦獻之所先也又况五齊七醢七菹二鸕
所實之器與此器之飾所以因取於魚也雖
然魚麗之詩美萬物盛多能備禮而魚之為
物潛逃幽眇難及以政至於盛多則王者之
政成而薦獻之禮備矣故於物魚躍為文王
靈德之所及白魚躍入王舟為周家受命之
符周器以魚為飾者殆以此歟



周蟠虺甗一




周蟠虬斝二




前一器高九寸五分深九寸一分口徑五寸
六分腹徑一尺八分容二斗五升三合重十
有二斤無銘

後一器高九寸三分深九寸口徑五寸六分
腹徑一尺一寸一分容二斗四升有半重十
有一斤四兩無銘


右二器皆飾以蟠虬凡食飲之器飾以虬者
皆是也若乃斝所以盛醢醢之物固亦狀此




周饗食簋一




周饗養甄二



周饗養甄三



周饗養甗四




第一器高六寸一分深四寸九分口徑六寸
腹徑七寸九分足徑五寸二分容六升六合
重三斤十有一兩無銘

第二器高七寸五分深六寸一分口徑七寸
二分腹徑一尺三分足徑六寸三分容一斗
五升四合重七斤有半無銘

第三器高六寸二分深五寸口徑六寸一分
腹徑九寸容七升重三斤十有二兩無銘


第四器高五寸三分深四寸九分口徑五寸
一分腹徑八寸二分容五升四合重三斤一
兩無銘
右四器皆飾以饗饗或間以雷紋形模典雅
雖無銘識可求要之非周文物盛時不能有
此也

漢湯罍




右高五寸二分深五寸一分口徑四寸一分
腹徑五寸七分容三升七合重一斤十有一
兩有蓋無銘是器蓋溫水器也狀如斲圓而
純素有一耳作綯紐若屈卮舉而置之鑪竈
間以烹水也形制純雅無紋而氣韻自古宜
非近世所有殆漢器也

唐冰鑑





鑑

右高七寸七分下盤深一寸徑一尺二寸四分容五升二合重三十二斤三兩四錢無銘且冰鑑之說已具於漢鑑矣今其規模上方如斗四旁塵鏤底作風窻承以大盤立之四足豈非置食於上而設冰於盤使寒氣通徹以禦溫氣耶大抵漢唐之器致用設飾略相倣象然所以異者漢鑑圓而唐鑑方漢鑑近於古而唐鑑則近於今矣故不得不辨昔鄭玄謂鑑如甗大口以盛冰觀此鑑與鄭說不同然又非漢之製作宜李唐精工所能到也



漢冰斗



右高一寸六分深一寸五分闊六寸二分重
一斤九兩有柄無銘三旁掩上其柄可持其
底鏤空寔冰斗也古人制器皆因時而為之
若夏則有冰鑑於此器略相似而有見於周
官今冰斗雖不得而考要之後世所作也

匱匱盤洗盆銷杆揔說

公食大夫禮曰小臣具盤匱鄭玄謂君尊不
就洗賈公彥又援郊特牲不就洗之文以謂
設盤匱所以為君聶崇義從而和之且陳開
元禮謂皇帝皇后太后行事皆有盤匱而亞
獻已下與攝事者皆不設以顯君尊不就洗
之義是皆執泥不通之說殊不知內則論事
父母舅姑之禮而曰杖屨祗欽之勿敢近敦

年卮匱非餽莫敢用夫論事父母舅姑而言
及於匱則是亦衆人之所用耳豈人君獨享
者哉若或不然則季加鉅伯安得而作之也
雖非人君所獨享然惟餽乃用則其用亦未
嘗敢易也觀其鑿皆作牛甲脊尾狀按易以
坤卦為牛而坤以順承為事故物之柔順者
莫甚於牛蓋匱為盥手瀉水之具而義取於
順乃其理也若夫盥之棄水必有洗以承之

禮圖所謂承盥洗棄水之器者是也惟以承
棄水故其形若盤抑嘗見有底間飾以雙魚
者為其為承水之具故也然古人稱之有曰
匱盤而不謂之洗蓋盤以言其形洗以言其
用而聶崇義乃以盤洗為二器所謂盤者正
與此洗相類而洗復若壺形而無足又以菱
花及魚畫其腹外與此頗不相侔然承棄水
者宜莫若盤則作壺形者疑非古制矣崇義

圖說稽之於器其乖戾不合者非特如此按
圖而考者不可不辨也若夫盆銷者亦盥滌
之具但洗淺而銷深惟盆居中焉又有所謂
杆者特大而深如洗之用盥盤之用莫舟之
承彝皆其類也故附諸匜洗之末識者當以
類得之

商啓匜



器




音釋同前

蓋




啓作寶彝



右通蓋高七寸七分深三寸四分口徑長六寸三分闊二寸七分容一升有半共重二斤十有五兩有流有鑿圈足蓋器銘共八字曰啓作寶彝按商太丁之子曰乙乙之子曰啓此銘啓者乃乙之子也是器形制渾厚字畫奇古勁若屈鐵非周秦篆畫之可擬倫者以時考之蓋商之器無疑

商鳳匝





右通蓋高九寸二分深三寸七分口徑長六寸六分闊三寸容一升有半共重七斤有流有鑿圈足無銘通體設飾不一其狀有夔有螭有兕小者大者起伏偃仰頡頏差池不可名狀又峙二角於其前而腋間別出兩鳳勢若飛動故因此名之

